



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13.stav 2. alineja 17. Zakona o principima lokalne samouprave u Federaciji BiH („Službene novine Federacije BiH“, broj 49/06) i člana 19. stav 2. tačka 27. Statuta Općine Breza („Službeni glasnik Općine Breza“ 8/09 – Prečišćeni tekst), Općinsko vijeće Breza na sjednici održanoj dana 27.01.2011..godine, d o n o s i

ODLUKU

o izmjeni i dopuni Poslovnika o radu Općinskog vijeća Breza

Član 1.

U Poslovniku o radu Općinskog vijeća Breza („Službeni glasnik Općine Breza“, broj 2/08) iza člana 4. dodaje se član 4a) koji glasi:

„Nakon preuzimanja mandata vijećnici Općinskog vijeća obavezni su prisustvovati obuci vijećnika iz djelokruga rada Općinskog vijeća, a koju organizuje Stručna služba Općinskog vijeća“.

Član 2.

U članu 30. dodati nove stavove koji glase:

„U Komisiju za Statut i propise i drugostepenu upravnu imenuju se pravnici.

U Komisiju za Budžet i finansije imenuju se ekonomisti i pravnici.

Za imenovanje vanjskih članova radnih tijela i postupak imenovanja provodi Komisija za izbor i imenovanje uz podršku Stručne službe Općinskog vijeća. Pozivi za vanjske članove komisija objavljuju se na internet stranici općine i na oglasnoj tabli općine koji je otvoren najmanje 7 dana.

U slučaju ne imenovanja članova radnih tijela propisanih procedurom prethodnim stavom ovog člana Komisija za izbor i imenovanje će predložiti imenovanje iz reda stručnih lica koji mogu zadovoljiti potrebnu stručnost u navedenim radnim tijelima.

Stalna radna tijela (komisije) su dužne donijeti svoje godišnje programe rada kao i izvještaje o radu za proteklu godinu i iste podnijeti Općinskom vijeću na razmatranje“.

Član 3.

U članu 34.stav 1. iza riječi „pet“ briše se zarez i stavlja tačka, a riječi „izuzev Komisije za izbor i imenovanja čiji broj zavisi od broja političkih stranaka zastupljenih u vijeću“ brišu se.

U članu 35. iza alineje 7. dodaju se nove alineje koje glase:

- „Komisija za budžet i finansije,
- Odbor za provedbu Etičkog kodeksa vijećnika u Općinskom vijeću Breza“.

Član 4.

U članu 36. u alineji 5.i 6.iza riječi „opći“ upisati veznik i riječ „i pojedinačnih“.

Član 5.

U članu 41. stav 1. brisati. „ - osigurava da sve kandidatske liste za Općinsko vijeće budu sastavljene u skladu sa Izbornim Zakonom BiH i dostavlja ih na odobrenje Centralnoj izbornoj komisiji BiH“.

Član 6.

Iza člana 45. dodaje se novi član 45a.i 45b. koji glase:

Član 45a.

„Komisija za Budžet i finansije:

- prati i razmatra tok rada na izradi nacрта i prijedloga budžeta općine i izvještaja o izvršenju budžeta,
- prati ostvarenje prihoda i rashoda Općine i daje mišljenje Općinskom vijeću o Odluci o izvršenju budžeta za prethodni period,
- upozna je Općinsko vijeće u slučajevima kada utvrdi da postoji neusklađenost u ostvarivanju prihoda ili rashoda prema usvojenom planu budžeta, a shodno odredbama zakona, drugih propisa i akata općine u oblasti ostvarivanja prihoda i rashoda budžeta,
- prati i razmatra pitanja korištenja budžetskih sredstava od strane korisnika tih sredstava,
- predlaže Općinskom vijeću donošenje mjera za racionalnije i efikasnije korištenje budžetskih sredstava i ostvarivanje utvrđene politike u oblasti prihoda i rashoda općine,
- vrši i druge poslove iz ove oblasti po odlukama i zaključcima Općinskog vijeća.

Član 45b.

„Odbor za provedbu Etičkog kodeksa vijećnika u Općinskom vijeću Breza:

- prati i analizira primjenu Kodeksa,
- prati rad izabranih vijećnika Općinskog vijeća i ukazuje na pojave kršenja Kodeksa,
- razmatra prijave zbog kršenja Kodeksa podnesene od strane vijećnika građana, udruženja građana i drugih organizacija,
- vodi postupak provjere na osnovu prijava o eventualnom kršenju Kodeksa,
- predlaže Općinskom vijeću mjere protiv vijećnika ako utvrdi da je izvršena povreda Kodeksa,
- podnosi Općinskom vijeću dva puta godišnje izvještaj o svom radu,
- obavještava javnost o svom radu i zaključcima, nakon provedenog postupka provjere,
- djeluje savjetodavno u slučajevima kada je vijećnicima potrebno pojašnjenje za njihovo postupanje i djelovanje kako bi izbjegli eventualno kršenje Kodeksa,
- predlaže izmjene i dopune Kodeksa Općinskom vijeću, a u skladu sa preporukama građana i nalazima proisteklim iz rada Odbora,
- organizuje i realizuje promociju Kodeksa i
- obavlja i druge poslove i zadatke koje Odboru povjeri Općinsko vijeće iz nadležnosti rada Odbora“.

Član 7.

U članu 150.broj „60“ zamjenjuje se brojem „40“.

Član 8.

Član 152. mijenja se i glasi:

„Vijećničko pitanje obavezno se podnosi pismeno predsjedavajućem Općinskog vijeća u pisanoj formi na obrazcu koji je sastavni dio ovog Poslovnika, a kraće pojašnjenje postavljenog vijećničkog pitanja može se dati i usmeno.

Predsjedavajući vijećničko pitanje prosljeđuje Općinskom načelniku ili subjektu kojem je upućen.

Vijećnik može tražiti da se na postavljeno vijećničko pitanje odgovor da na samoj sjednici Općinskog vijeća ukoliko je nadležni organ u mogućnosti dati odmah odgovor na isti.

Ukoliko vijećnik ne dobije odgovor u ostavljenom roku propisanim članom 155. Poslovnika o radu Općinskog vijeća može tražiti da se vijećničko pitanje raspravlja na kolegiju vijeća-klub vijećnika o uvrštavanju u dnevni red sjednice vijeća.

Član 9.

Zadužuje se Komisija za statut i propise da utvrdi prečišćeni tekst Poslovnika o radu Općinskog vijeća Breza.

Član 10.

Ova Odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-2585/10
Breza, 27.01.2011.godine

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 8.stav 3.alineja 4. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06) i člana 19. stav 1.tačka 2. Statuta Općine Breza („Službeni glasnik Općine Breza“, broj 8/09 – Prečišćeni tekst), Općinsko vijeće Breza na sjednici održanoj dana 27.01.2011.godine, donosi

ODLUKU

o izradi Lokalnog ekološkog akcionog plana (LEAP-a) za područje Općine Breza

Član 1.

U cilju osiguranja napretka i održivog razvoja kompletnog područja Općine Breza, unapređenja stanja okoliša i javnog zdravlja, te u cilju poboljšavanja uslova života svih stanovnika općine, potrebno je izraditi i sprovesti Lokalni ekološki akcioni plan (u daljem tekstu:) (LEAP) za područje Općine Breza.

Član 2.

Za izradu LEAP-a i provođenje drugih aktivnosti zadužen je Općinski načelnik.
Općinski načelnik imenovat će posebnim rješenjem lice za koordiniranje i implementaciju projekta izrade LEAP-a.

Član 3.

U cilju izrade LEAP-a formirat će se:

- radna grupa i
- savjetodavni odbor.

Radna grupa bit će sastavljena od 5 (pet) članova.

Zadatak radne grupe je identifikacija i rangiranje problema u oblasti okoliša i javnog zdravlja na području Općine Breza.

Savjetodavni odbor će biti sastavljen od predstavnika relevantnih subjekata sa područja Općine iz oblasti javnog, privrednog, zdravstvenog i obrazovnog sektora.

Član 4.

Općinski načelnik će rješenjem izvršiti imenovanje i sastav radnih tijela iz člana 3. Ove Odluke.

Član 5.

Rok za izradu LEAP-a za područje Općine Breza je 12 (dvanaest) mjeseci.

Član 6.

Postupak donošenja dokumenata (LEAP-a) sprovesti shodno odredbama člana 103., 104. i 105. Poslovnika o radu Općinskog vijeća Breza.

Član 7.

Ova Odluka stupa na snagu osmog dana od dana objavljivanja u „Službenom glasniku općine Breza“.

Broj: 01/1-02-217/11
Breza, 27.01.2011. godine

PREDSJEDAVAJUĆI
Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 19. tačka 7. Statuta općine Breza – Prečišćeni tekst (Službeni glasnik općine Breza", broj: 8/09) i člana 15.stav 2. Odluke o dodjeli u zakup poslovnih zgrada, prostorija i garaža („Službeni glasnik općine Breza“, broj 8/08), Općinsko vijeće Breza na sjednici održanoj dana 27.01.2011. godine, d o n o s i

O D L U K U**o produženju ugovora o zakupu poslovnih prostorija****Član 1.**

Produžava se Ugovor o zakupu poslovnih prostorija koje se nalaze u ul.ZAVNOBIH-a

br.6. površine 68,50 m², zaključen između Općine Breza i Muslić Samira - notara iz Sarajeva, na period od jedne godine.

Član 2.

Visina cijene korištenja i obaveze korisnika regulisat će se posebnim ugovorom.

Član 3.

Za realizaciju ove Odluke i zadužuje se Služba za prostorno uređenje, zaštitu okolice, geodetske i imovinsko-pravne poslove.

Član 4.

Ova Odluka stupa na snagu narednog dana od dana objavljivanja u "Službenom glasniku općine Breza".

Broj: 01/1-02-138/11
Breza, 27.01.2011. godine

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski kanton
OPĆINA BREZA
Općinsko vijeće

Broj: 01/1-02-139/11
Breza, 27.01.2011.godine

Na osnovu člana 19.stav 1. tačka 25. Statuta Općine Breza ("Službeni glasnik općine Breza", broj 10/07 i 5/08), Općinsko vijeće Breza na sjednici održanoj 27.01.2011. godine, donosi

ZAKLJUČAK

I

Da se objavi javni oglas za izdavanje u zakup Sportsko-rekreacioni centar „ADA“ Breza na period od 3 (tri) godine.

Uslovi oglasa na period od trajanja ugovora je da u slučaju da se pojavi koncesionar na duži vremenski period (15 i više godina) uz plan i program rekonstrukcije Sportsko-rekreacionog centra „ADA“ Breza ugovor sa zakupcem koji je dobio zakup na vremenski period od 3 godine se raskida.

II

Pravo učešća na oglasu imaju sva pravna i fizička lica.

Uslovi za prijavu na oglas bliže će se utvrditi samim oglasom koji mora obavezno da sadrži i ulaganja zainteresovanih lica koja su obavezna uredno i u cjelini ispuniti.

III

Za realizaciju Zaključka zadužuje se Služba za prostorno uređenje, zaštitu okolice, geodetske i imovinsko-pravne poslove i Komisija za provođenje javnog oglasa za dodjelu u zakup poslovnih prostorija imenovana od strane Općinskog vijeća Breza.

Dostavljeno:
1.Služba za prostorno
uređenje,
2.01/1,
3.a/a.

PREDSJEDAVAJUĆI:
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-143/11
Breza, 27.01.2011.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Informacije o vođenim aktivnostima po pitanju liječenja građana Općine Breza u Kliničkom centru Sarajevo, Općinsko vijeće Breza na sjednici održanoj dana 27.01.2011.godine, d o n o s i

ZAKLJUČAK

I

Da Radna grupa u sastavu:

- Hasan Subaša, - ispred Komisije za statut i propise,
- Sead Kovačević, ispred Općinskog vijeća i
- Safet Zahirović, ispred Stručne službe Općinskog vijeća

za jednu od narednih sjednica Općinskog vijeća pripreme tekst zaključka po pitanju problematike liječenja građana Općine Breza u Kliničkom centru Sarajevo.

II

Za realizaciju zaključka zadužuje se Stručna služba Općinskog vijeća i članovi radne grupe.

III

Zaključak objaviti u „Službenom glasniku Općine Breza“.

Dostavljeno:
3x Radna grupa,
1x Stručna služba OV,
1x 01/1,
1x a/a.

PREDSJEDAVAJUĆI
Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 22.stav 5. Etičkog kodeksa vijećnika u Općinskom vijeću Breza („Službeni glasnik Općine Breza“, broj 6/10) i Zaključka Općinskog vijeća Breza o davanju saglasnosti na Poslovnik o radu Odbora za provedbu Etičkog kodeksa vijećnika u Općinskom vijeću Breza („Službeni glasnik Općine Breza“, broj 10/10), Odbor za provedbu Etičkog kodeksa vijećnika u Općinskom vijeću Breza, na sjednici održanoj dana 25.01.2011.godine

donio je

P O S L O V N I K

O RADU ODBORA ZA PROVEDBU ETIČKOG KODEKSA VIJEĆNIKA U OPĆINSKOM VIJEĆU BREZA

I – OPĆE ODREDBE

Član 1.

Ovim Poslovnikom se uređuju pitanja rada i organizacije Odbora za provedbu Etičkog kodeksa vijećnika u Općinskom vijeću Breza (u daljem tekstu: Odbor) i druga pitanja od značaja za ostvarivanje njegovih zadataka i odgovornosti, u skladu sa Statutom Općine Breza, Poslovnikom o radu Općinskog vijeća Breza (u daljem tekstu: Statut i Poslovnik Vijeća) i Etičkim kodeksom vijećnika u Općinskom vijeću Breza (u daljem tekstu Kodeks), i to:

- Nadležnost Odbora,
- Organizacija rada Odbora,
- Postupak rada Odborom,
- Informisanje Općinskog vijeća i javnosti,
- Evidentiranje i brisanje mjera i
- Završne odredbe.

II – NADLEŽNOST ODBORA

Član 2.

Odbor je nadležan da:

- Prati i analizira primjenu Kodeksa,
- Prati rad izabраниh vijećnika Općinskog vijeća i ukazuje na pojave kršenja Kodeksa,
- Razmatra prijave zbog kršenja Kodeksa podnesene od strane vijećnika, građana, udruženja građana i drugih organizacija,
- Vodi postupak provjere na osnovu prijava o eventualnom kršenju Kodeksa,
- Predlaže Općinskom vijeću mjere protiv vijećnika ako utvrdi da je izvršena povreda Kodeksa,
- Podnosi Općinskom vijeću dva puta godišnje izvještaj o svom radu,
- Obavještava javnost o svom radu i zaključcima, nakon provedenog postupka provjere,
- Djeluje savjetodavno u slučajevima kada je vijećnicima potrebno pojašnjenje za njihovo postupanje i djelovanje kako bi izbjegli eventualno kršenje Kodeksa,
- Predlaže izmjene i dopune Kodeksa Općinskom vijeću, a u skladu sa preporukama građana i nalazima proisteklim iz rada Odbora,
- Organizuje i realizuje promociju Kodeksa i
- Obavlja i druge poslove i zadatke koje Odboru povjeri Općinsko vijeće iz nadležnosti rada Odbora.

III – ORGANIZACIJA RADA ODBORA

Član 3.

Odbor je stalno radno tijelo Općinskog vijeća.

U vršenju svoje funkcije Odbor je nezavisan i svoju nadležnost obavlja u skladu sa

Zakonom, Statutom, Poslovníkom o radu Općinskog vijeća i ovim Poslovníkom. U postupku pred Odborom primjenjuju se odredbe Zakona o upravnom postupku.

Član 4.

Odbor ima 5 (pet) članova, od kojih su 3 (tri) iz reda vijećnika.

Član 5.

Član Odbora koji je spriječen da prisustvuje sjednici Odbora, ili iz određenih razloga treba da napusti već započetu sjednicu, dužan je da o tome blagovremeno obavijesti predsjednika Odbora i navede razloge zbog kojih ne može prisustvovati sjednici.

U slučaju spriječenosti predsjedavajućeg Odbora da prisustvuje sjednici Odborom će predsjedavati zamjenik predsjedavajućeg kojeg je imenovao Odbor.

Član 6.

Člana Odbora može razriješiti Općinsko vijeće i prije isteka mandata:

- Ako podnese ostavku,
- Zbog duge i teške bolesti koja ga onemogućava da obavlja tu dužnost i
- Ako ne izvršava, ili blagovremeno ne izvršava, dužnost člana Odbora.

Prijedlog za razrješenje Odbor podnosi Općinskom vijeću u pisanom obliku uz navođenje razloga zbog kojih se predlaže razrješenje člana.

Član 7.

Član Odbora je dužan da prisustvuje sjednici Odbora i da učestvuje u njegovom radu i odlučivanju, da pokreće inicijativu za razmatranje i rješavanje određenih pitanja te daje prijedloge za unapređenje metoda i sadržaja rada Odbora.

Član 8.

Administrativno-tehničku i stručnu pomoć Odboru pruža lice koje odredi sekretar Općinskog vijeća iz reda uposlenika u Stručnoj službi za poslove Općinskog vijeća.

Član 9.

Predsjednik Odbora ima pravo i dužnosti da:

- Saziva sjednicu Odbora,
- Učestvuje u pripremama i vodi sjednice,
- Osigurava poštivanje odredbi ovog Poslovníka, Kodeksa i drugih akata Općinskog vijeća,
- Osigurava realizovanje prava i dužnosti članova Odbora,
- Odlučuje o izuzeću članova Odbora po zahtjevu člana Odbora,
- Sarađuje sa predsjedavajućim i sekretarom Općinskog vijeća kao i predstavnicima izvršne vlasti,
- Potpisuje akta Odbora,
- Izvještava Općinsko vijeće i javnost o radu Odbora, u saradnji sa drugim članovima Odbora i
- Obavlja i druge poslove u okviru prava i dužnosti Odbora.

Član 10.

Odbor radi u sjednicama koje su otvorene za javnost, osim u slučajevima vođenja postupka.

Sjednice Odbora se održavaju po potrebi.

Članovi Odbora ne mogu iznositi podatke u javnost, ili drugim vijećnicima, do

donošenja konačnog zaključka Odbora o određenim pitanjima.

Član 11.

Sjednicu Odbora saziva predsjednik, a u slučaju njegove spriječenosti njegov zamjenik. Sjednica se saziva pismenim putem najkasnije 7 (sedam) dana prije njenog održavanja. U hitnim slučajevima predsjednik odbora je ovlašten da skрати rok za sazivanje sjednice.

Predsjednik odbora je dužan sazvati sjednicu Odbora i na zahtjev predsjedavajućeg Općinskog vijeća.

Član 12.

Odbor može zasijedati ako sjednici prisustvuje većina članova Odbora.

Član 13.

Odbor donosi odluke natpolovičnom većinom od ukupno imenovanih članova Odbora.

Član 14.

Član Odbora će se izuzeti:

1. ako se postupak vodi protiv užeg člana domaćinstva (oca, majke, braćnog druga ili djece)
2. ako je u predmetnom postupku stranka ili svjedok.

Član 15.

Član Odbora odmah po saznanju da postoji neki od razloga za izuzeće iz člana 14.ovog Poslovnika dužan je da prekine svaki dalji rad na predmetu i o tome obavijesti Odbor. Član Odbora ako smatra da postoje druge okolnosti koje opravdavaju njegovu izuzeće, a koje dovodi u sumnju njegovu nepristrasnost, može zatražiti izuzeće od Odbora. U svom pismenom zahtjevu mora navesti okolnosti zbog kojih smatra da postoji neki od razloga za izuzeće.

Član 16.

Stranka može zahtijevati izuzeće člana Odbora kad postoje razlozi navedeni u članu 14.ovog Poslovnika, kao i kad postoje i druge okolnosti koje dovode u sumnju njegovu nepristrasnost. U svom pismenom zahtjevu stranka mora navesti okolnosti zbog kojih smatra da postoji neki od razloga za izuzeće.

Član 17.

O izuzeću se odlučuje zaključkom Odbora.

Član 18.

O raspravi i drugim važnim radnjama pred Odborom, kao i o važnijim usmenim izjavama stranaka i lica u postupku, sastavlja se zapisnik o navodima sadržanim u prijavi. O manje važnim radnjama i izjavama stranaka i trećih lica koje bitno ne utiču na rješenje stvari, o upravljanju postupkom, saopćenjima, zapažanjima, uputstvima i nalazima kao i okolnostima unutrašnjeg rada Odbora neće se, u pravilu, sastavljati zapisnik.

U zapisnik se unosi: broj, datum, vrijeme i mjesto održavanja sjednice Odbora, predmet, ime i prezime prisutnih i odsutnih članova Odbora, stranaka i drugih lica, dnevni red i rezime diskusije pojedinih članova Odbora.

Zapisnik treba da sadrži, tačno i kratko, tok i sadržaj radnje izvršene na sastanku, datih izjava, a radnje i izjave se ograničavaju na ono što se tiče samo stvari koja je predmet sastanka, odnosno postupka.

U zapisnik se navode sve isprave, dokumenta koja su upotrijebljena i prilažu se uz zapisnik.

Zapisnik mora biti vođen uredno i u njemu se ne smije ništa brisati niti dodavati po

zaključenju istog.

Zapisnik će biti glasno pročitan uz mogućnost stavljanja primjedbi, nakon čega će biti potpisan od strane lica čije izjave sadrži, kao i od strane predsjednika i zapisničara.

U slučajevima kada neko lice odbije da potpiše zapisnik, ili se udalji prije potpisivanja izjave, to će se upisati u zapisnik i navešće se razlozi nepotpisivanja.

IV – POSTUPAK PRED ODBOROM

Član 19.

Postupak pred Odborom pokreće se:

- prijavom vijećnika,
- prijavom Kolegija Općinskog vijeća,
- prijavom članova radnih tijela Općinskog vijeća,
- prijavom ovlaštenog zastupnika organizacije ili udruženja građana i
- prijavom građana.

Član 20.

Prijava se podnosi u pismenoj formi i mora da sadrži:

- ime i prezime, adresu prebivališta i broj telefona podnosioca,
- opis prekršaja i činjenica koje predstavljaju navodnu povredu Kodeksa,
- svojeručni potpis podnosioca prijave,
- eventualno, imena lica koja mogu potvrditi navode iz prijave i
- eventualno, isprave kojim se potvrđuju navodi.

Prijava se dostavlja u zatvorenoj koveri, sa nazivom: „Službi Općinskog vijeća Breza – Odboru za provedbu Etičkog kodeksa“.

Anonimne prijave neće biti razmatrane.

Član 21.

Ako je prijava nerazumljiva, nepotpuna, ili sadrži neki formalni nedostatak koji sprečava postupanje po istoj, Odbor će zatražiti da se takvi nedostaci otklone i odrediće rok podnosiocu u kome je dužan da to učini.

Ako podnosilac prijave otkloni nedostatke u određenom roku smatrat će se da je prijava bila uredna od početka, a ako ne otkloni iste u datom roku, Odbor će takav zahtjev odbaciti zaključkom kao nepotpun, ili neuredan.

Prijava za svako lice koje, navodno, krši Kodeks se podnosi odvojeno. Ako Odbor primi prijavu koja se odnosi na kršenje zakona dužan je da obavijesti podnosioca i istog uputi na nadležne institucije, a razmatraće prijavu u okviru, navodne, povrede Kodeksa.

Član 22.

Predsjednik odbora poziva lica pismeno putem nadležnih službi čije je prisustvo potrebno za rad Odbora, ili za postupak pred njim. U pismenom pozivu naznačit će se organ koji poziva (Odbor), ime i prezime lica koje se poziva, mjesto, datum i vrijeme dolaska pozvanog, predmet zbog kojeg se poziva i u kom svojstvu, kao i koja dokazna sredstva pozvano lice treba da donese.

Pozvano lice je dužno da se odazove pozivu, a ukoliko je opravdano spriječeno obavezno obavještava Odbor o razlozima spriječenosti.

Član 23.

Prije donošenja odluke Odbor će utvrditi sve činjenice i okolnosti koje su značajne za rješavanje i zainteresovanim strankama omogućiti da ostvare i zaštite svoja prava. Odbor

vodi postupak i izvodi sve dokaze ako nađe da je to potrebno za rješavanje predmeta. Odbor će po službenoj dužnosti pribaviti podatke o činjenicama i dokumentima kojim ne raspolaže općinska uprava. Činjenično stanje na kom zasniva svoju prijavu stranka je dužna iznijeti tačno, istinito, određeno, pismeno ili usmeno na zapisnik, u skladu sa odgovarajućim postupkom.

Član 24.

Odbor obavještava navodnog prekršitelja Kodeksa i objašnjava mu situaciju, najkasnije 8 (osam) dana od dana prijema važeće prijave. Odbor će navodnom prekršitelju dati rok od 8 (osam) dana za dostavljanje odgovora u pisanoj formi, pravno relevantnih informacija, dokumenata ili drugih dokaza za svoju odbranu pred Odborom. Isti će biti pozvan da odgovori na pitanja članova Odbora.

Odbor će, na osnovu ukazane potrebe, pozvati i svjedoke na razgovor i davanje izjave. Činjenice na osnovu kojih Odbor donosi odluke su dokazi, kao što su: isprave, odnosno ovjerene kopije isprava, akti, izjave svjedoka, uviđaji i druga dokumenta koja mogu biti od koristi za utvrđivanje činjenica.

Član 25.

Odbor će okončati postupak provjere u roku od 30 dana od dana prijema važeće prijave.

U slučaju iz prethodnog stava rad Odbora je zatvoren za javnost.

Član 26.

Odbor prosljeđuje informaciju sa zaključkom Općinskog vijeća podnosiocu prijave i osobi na koju se prijava odnosi, u roku od 8 (osam) dana po okončanju postupka. Na osnovu činjenica utvrđenih u postupku Odbor će u informaciji navesti i izrečenu korektivnu mjeru, ako je zaključkom navedeno da je prekršen Kodeks.

Za povrede Kodeksa izabranim vijećnicima mogu se izreći slijedeće korektivne mjere:

1. „Pismena opomena“, za lakše povrede Etičkog kodeksa;
2. „Novčana kazna“, se izriče za teže povrede Etičkog kodeksa u visini od 30% iznosa mjesečnog paušala vijećnika u Općinskom vijeću i
3. „Javna opomena“, za teške povrede Etičkog kodeksa, sa objavom u sredstvima informisanja.

Izrečene korektivne mjere se objavljuju u „Službenom glasniku Općine Breza“; na web-stranici Općine i na oglasnoj tabli Općine Breza, u trajanju od 30 dana.

Član 27.

O žalbi protiv odluke Odbora odlučuje Komisija za ljudska prava, prigovore, predstavke i prijedloge Općinskog vijeća. Žalba se podnosi u roku od 15 dana od dana prijema odluke.

U postupku pred Odborom ne plaća se administrativna taksa.

V – INFORMISANJE OPĆINSKOG VIJEĆA I JAVNOSTI

Član 28.

Općinsko vijeće na prvom narednom zasjedanju nakon podnošenja informacije i zaključka od strane Odbora u slučaju kršenja Kodeksa, prima informaciju na znanje.

Odbor obavještava javnost o svom radu nakon donošenja zaključka u isto vrijeme kada dostavlja informaciju Općinskom vijeću, u skladu sa stavom 1.ovog člana.

VI – EVIDENTIRANJE I BRISANJE MJERA

Član 29.

Pravosnažne odluke Odbora se upisuju u Registar mjera koji vodi Stručna služba za poslove Općinskog vijeća.

Odbor se stara o urednom i pravilnom vođenju evidencije i o izrečenim mjerama i o objavljivanju istih.

Mjera „Pismena opomena“ se briše iz Registra mjera po proteku roka od 6 (čest) mjeseci od dana pravosnažnosti, a mjere „Novčana kazna“ i „Javna opomena“ nakon proteka jedne godine od dana pravosnažnosti.

O brisanju mjera Odbor donosi odluku koja se upisuje u Registar mjera.

VII – ZAVRŠNE ODREDBE

Član 30.

Za sve što nije regulisano ovim Poslovníkom primjenjivat će se odredbe Poslovníka o radu Općinskog vijeća Breza, važeći zakonski propisi i drugi opći akti.

Član 31.

Ovaj Poslovník stupa na snagu danom donošenja i objavit će se u „Službenom glasniku Općine Breza“.

Broj: 01/1-02-2710/10
Breza, 25.01.2011.godine

PREDSJEDNIK
Odbora za provedbu Etičkog kodeksa
Dževahid Sokić,s.r.

— — — — —
Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 61. Zakona o građevinskom zemljištu FBiH ("Službene novine FBiH", broj 67/05) i člana 19. stav 1. tačka 25. Statuta općine Breza – Prečišćeni tekst ("Službeni glasnik općine Breza", broj 8/09) i Zaključka Općinskog vijeća broj: 01/1-02-2811/10 („Službeni glasnik Općine Breza“, broj 10/10), rješavajući po zahtjevu Zaimović Zahida iz Breze, u predmetu utvrđivanja prava vlasništva na građevinskom zemljištu na kojem je izgrađen objekat bez prava korištenja radi građenja, Općinsko vijeće Breza na sjednici održanoj 27.01.2011. godine, donosi

RJEŠENJE

I - Na gradskom građevinskom zemljištu označenom kao k.č. br. 686/14 u površini od 95 m², upisano u zk.ul.br.1222 k.o. Smrekovica, što odgovara k.č.br. 658/2 k.o. Breza

utvrđuje se pravo vlasništva u korist **Zaimović Zahida sina Jusufa iz Breze**, kao graditelja objekta izgrađenog na tom zemljištu.

II - Zaimović Zahid obavezan je platiti naknadu za dodijeljeno gradsko građevinsko zemljište iz tačke I dispozitiva ovog rješenja u iznosu od 31.246,56 KM, (slovima: tridesetjednahiljad dvjestočetdesetšestkonvertibilnihmarka i 56/100) koja se sastoji od:

- naknade na ime prirodnih pogodnosti (renta) u iznosu od 5.596,56 KM (slovima: pethiljadapetstodevedesetšestkonvertibilnihmaraka i 56/100) i
- naknade za zemljište u iznosu od 25.650,00 KM (slovima: dvadesetpethiljadašestpedesetkonvertibilnihmaraka).

Navedeni iznos podnosilac zahtjeva je obavezan platiti u roku od 8 dana od dana prijema ovog rješenja na račun općine Breza broj: 1602000023507876 - vrsta prihoda: 721231, šifra općine 016 .

III - Po pravosnažnosti ovog rješenja Zemljišno-knjižni ured Općinskog suda Visoko izvršit će uknjižbu prava vlasništva na zemljištu iz tačke I. dispozitiva ovog rješenja u korist Zaimović Zahida sina Jusufa iz Breze, sa dijelom 1/1.

IV - Ostala prava i obaveze između općine Breza i vlasnika zemljišta iz tačke I dispozitiva rješenja regulisat će se posebnim ugovorom.

O b r a z l o ž e n j e

Zaimović Zahid sin Jusufa iz Breze, podnio je zahtjev da se na osnovu člana 61. Zakona o građevinskom zemljištu utvrdi pravo vlasništva u njegovu korist, na gradskom građevinskom zemljištu u državnoj svojini iz tačke I dispozitiva ovog rješenja, na kojem je izgradio objekat bez prava korištenja zemljišta radi građenja.

Postupajući po navedenom zahtjevu, izvršen je uviđaj i održana je usmena rasprava na licu mjesta dana 21.08.2008. i 20.10.2010. godine u prisustvu vještaka geometra i podnosioca zahtjeva, te je utvrđeno slijedeće činjenično stanje:

- da se radi o gradskom građevinskom zemljištu koje je označeno kao k.č.br. 686/14 u površini od 95 m² upiano u zk.ul.br. 1222 k.o. Smrekovica, a u zemljišnoj knjizi je upisano kao opštenarodna imovina sa dijelom 1/1, što odgovara k.č.br. 658/2 k.o. Breza (n.p), na kojem je kao posjednik vodi Općina Breza,

- da je u posjed navedenog gradskog građevinskog zemljišta podnosilac zahtjeva stupio 1990. godine poslije provedene licitacije za zauzimanje javne površine, nakon čega je izvršio izgradnju poslovnog objekta,

- te je od Odjeljenja za prostorno uređenje i zaštitu okolice pribavljen izvještaj broj: 03/2-3-23-984/10 od 21.10.2010.godine u kojem je navedeno da se za izgrađeni objekat može naknadno izdati odobrenje za građenje.

Naknada iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta , a koje nisu rezultat ulaganja sredstava vlasnika ili korisnika nekretnina – renta iznosi 72,00 KM po 1/m² korisne površine izgrađenog objekta koja iznosi 77,73 m², a utvrđena je u skladu sa članom 68. Zakona o građevinskom zemljištu FBiH i u skladu sa Odlukom o dopunama Odluke o građevinskom zemljištu („Službeni glasnik općine Breza“, broj 9/07).

Naknada za zemljište na kojem se utvrđuje pravo vlasništva iznosi 270,00 KM po

1/m2 zemljišta, a utvrđena je Zaključkom Općinskog vijeća broj:01/1-02-2811/10 od 30.12.2010.godine.

Kako su u konkretnom slučaju ispunjeni uslovi propisani članom 61. Zakona o građevinskom zemljištu („Službene novine F BiH“ broj 25/03, 16/04 i 67/05) odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 od dana dostavljanja rješenja.

Ovo rješenje će biti objavljeno u "Službenom glasniku općine Breza".

Broj: 01/1-02-135/11
Breza, 27.01.2011. godine

PREDSJEDAVAJUĆI:
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 61. Zakona o građevinskom zemljištu FBiH ("Službene novine FBiH", broj 67/05) i člana 19. stav 1. tačka 25. Statuta općine Breza – Prečišćeni tekst ("Službeni glasnik općine Breza", broj 8/09) i Zaključka Općinskog vijeća broj: 01/1-02-2811/10 („Službeni glasnik Općine Breza“, broj 10/10), rješavajući po zahtjevu Velić Fate iz Breze, u predmetu utvrđivanja prava vlasništva na građevinskom zemljištu na kojem je izgrađen objekat bez prava korištenja radi građenja, Općinsko vijeće Breza na sjednici održanoj 27.01.2011. godine, d o n o s i

R J E Š E N J E

I - Na gradskom građevinskom zemljištu označenom kao k.č. br. 686/15 u površini od 27 m², upisano u zk.ul.br.1222 k.o. Smrekovica, što odgovara k.č.br. 658/3 k.o. Breza utvrđuje se pravo vlasništva u korist **Velić Fate kćeri Ibrahima iz Breze**, kao graditelja objekta izgrađenog na tom zemljištu.

II – Velić Fata obavezna je platiti naknadu za dodijeljeno gradsko građevinsko zemljište iz tačke I dispozitiva ovog rješenja u iznosu od 8.904,96 KM, (slovima: osamhiljadadevetstočetirikonvertibilnemarka i 96/100) koja se sastoji od:

- naknade na ime prirodnih pogodnosti (renta) u iznosu od 1.614,96 KM (slovima: hiljadušestočetnaestkonvertibilnihmaraka i 96/100) i
- naknade za zemljište u iznosu od 7.290,00 KM (slovima: sedamhiljadadvjestodevedesetkonvertibilnihmaraka).

Navedeni iznos podnosilac zahtjeva je obavezan platiti u roku od 8 dana od dana prijema ovog rješenja na račun općine Breza broj: 1602000023507876 - vrsta prihoda: 721231, šifra općine 016 .

III - Po pravosnažnosti ovog rješenja Zemljišno-knjižni ured Općinskog suda Visoko izvršit će uknjižbu prava vlasništva na zemljištu iz tačke I. dispozitiva ovog rješenja u korist Velić Fate kćeri Ibrahima iz Breze, sa dijelom 1/1.

IV - Ostala prava i obaveze između općine Breza i vlasnika zemljišta iz tačke I dispozitiva rješenja regulisat će se posebnim ugovorom.

O b r a z l o ž e n j e

Velić Fata iz Breze, podnijela je zahtjev da se na osnovu člana 61. Zakona o građevinskom zemljištu utvrdi pravo vlasništva u njenu korist, na gradskom građevinskom zemljištu u državnoj svojini iz tačke I dispozitiva ovog rješenja, na kojem je izgradila objekat bez prava korištenja zemljišta radi građenja.

Postupajući po navedenom zahtjevu, izvršen je uviđaj i održana je usmena rasprava na licu mjesta dana 20.10.2010. godine u prisustvu vještaka geometra i podnosioca zahtjeva, te je utvrđeno slijedeće činjenično stanje:

- da se radi o gradskom građevinskom zemljištu koje je označeno kao k.č.br. 686/15 u površini od 27 m² upisano u zk.ul.br. 1222 k.o. Smrekovica, a u zemljišnoj knjizi je upisano kao opštenarodna imovina sa dijelom 1/1, što odgovara k.oč.br. 658/3 k.o. Breza (n.p), na kojem se kao posjednik vodi Općina Breza,

- da je Velić Fata u posjed navedenog gradskog građevinskog zemljišta stupila 1990. godine poslije provedene licitacije za zauzimanje javne površine, nakon čega je izvršila izgradnju poslovnog objekta,

- te je od Odjeljenja za prostorno uređenje i zaštitu okolice pribavljen izvještaj broj: 03/2-3-23-733/10 od 21.10.2010.godine u kojem je navedeno da se za izgrađeni objekat može naknadno izdati odobrenje za građenje.

Naknada iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta, a koje nisu rezultat ulaganja sredstava vlasnika ili korisnika nekretnina – renta iznosi 72,00 KM po 1/m² korisne površine izgrađenog objekta koja iznosi 22,43 m², a utvrđena je u skladu sa članom 68. Zakona o građevinskom zemljištu FBiH i u skladu sa Odlukom o dopunama Odluke o građevinskom zemljištu („Službeni glasnik općine Breza“, broj 9/07).

Naknada za zemljište na kojem se utvrđuje pravo vlasništva iznosi 270,00 KM po 1/m² zemljišta, a utvrđena je Zaključkom Općinskog vijeća broj:01/1-02-2811/10 od 30.12.2010.godine.

Kako su u konkretnom slučaju ispunjeni uslovi propisani članom 61. Zakona o građevinskom zemljištu („Službene novine FBiH“ broj 25/03, 16/04 i 67/05) odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 od dana dostavljanja rješenja.

Ovo rješenje će biti objavljeno u "Službenom glasniku općine Breza".

Broj: 01/1-02-136/11
Breza, 27.01.2011. godine

PREDSJEDAVAJUĆI:
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 61. Zakona o građevinskom zemljištu FBiH ("Službene novine FBiH", broj 67/05) i člana 19.stav 1. tačka 25. Statuta općine Breza - Prečišćeni tekst ("Službeni glasnik općine Breza", broj 8/09), i Zaključka Općinskog vijeća broj: 01/1-02-2811/10 („Službeni glasnik Općine Breza“, broj 10/10), rješavajući po zahtjevu D.O.O. "Ekmasan" Breza , u predmetu utvrđivanja prava vlasništva na građevinskom zemljištu na kojem je izgrađen objekat bez prava korištenja radi građenja, Općinsko vijeće Breza na sjednici održanoj 27.01.2011.godine, donosi

RJEŠENJE

I – Na gradskom građevinskom zemljištu označenom kao k.č. br. 668/9 u površini od 30 m², upisano u zk.ul.br.1252 k.o. Smrekovica, što odgovara k.č.br. 525/3 k.o. Breza utvrđuje se pravo vlasništva u korist **D.O.O. "Ekmasan" Breza**, kao graditelja objekta izgrađenog na tom zemljištu.

II – D.O.O. "Ekmasan" Breza obavezan je platiti naknadu za dodijeljeno gradsko građevinsko zemljište iz tačke I dispozitiva ovog rješenja u iznosu od 9.640,80 KM, (slovima: devethiljadasetočetdesetkonvertibilnihmaraka i 80/100), koja se sastoji od:

- naknade na ime prirodnih pogodnosti (renta) u iznosu od 1.540,80 KM (slovima: hiljadupetstočetdesetkonvertibilnihmaraka i 80/100) i

- naknade za zemljište u iznosu od 8.100,00 KM (slovima: osamhiljadastotinukonvertibilnihmaraka).

Navedeni iznos podnosilac zahtjeva je obavezan platiti u roku od 8 dana od dana prijema ovog rješenja na račun općine Breza broj: 1602000023507876 - vrsta prihoda: 721231, šifra općine 016 .

III - Po pravosnažnosti ovog rješenja Zemljišno-knjižni ured Općinskog suda Visoko izvršit će uknjižbu prava vlasništva na zemljištu iz tačke I. dispozitiva ovog rješenja u korist D.O.O."Ekmasan" Breza iz Breze, sa dijelom 1/1.

IV - Ostala prava i obaveze između općine Breza i vlasnika zemljišta iz tačke I dispozitiva rješenja regulisat će se posebnim ugovorom.

Obrazloženje

D.O.O. „Ekmasan“ Breza, podnio je zahtjev da se na osnovu člana 61. Zakona o građevinskom zemljištu utvrdi pravo vlasništva u njegovu korist, na gradskom građevinskom zemljištu u državnoj svojini iz tačke I dispozitiva ovog rješenja, na kojem je izgradio objekat bez prava korištenja zemljišta radi građenja.

Postupajući po navedenom zahtjevu, izvršen je uviđaj i održana je usmena rasprava na licu mjesta dana 22.08.2008. i 20.10.2010. godine u prisustvu vještaka geometra, i

S A D R Ź A J

1. Odluka o izmjeni i dopuni Poslovnika o radu Općinskog vijeća Breza.
3. Odluka o izradi Lokalnog ekološkog akcionog plana (LEAP-a) za područje Općine Breza.
4. Odluka o produženju ugovora o zakupu poslovnih prostorija.
5. Zaključak da se objavi javni oglas za izdavanje u zakup Sportsko-rekreacionog centra „ADA“ Breza.
6. Zaključak o formiranju radne grupe o vođenju aktivnosti po pitanju liječenja građana Općine Breza u Kliničkom centru Sarajevo.
7. Poslovnik o radu Odbora za provedbu etičkog kodeksa vijećnika u Općinskom vijeću Breza.
12. Rješenje o utvrđivanju prava vlasništva u korist Zaimović Zahida sina Jusufa iz Breze kao graditelja objekta na gradskom građevinskom zemljištu.
14. Rješenje o utvrđivanju prava vlasništva u korist Velić Fate, kćeri Ibrahima iz Breze kao graditelja objekta na gradskom građevinskom zemljištu.
16. Rješenje o utvrđivanju prava vlasništva u korist D.O.O. „Ekmasan“ Breza kao graditelja objekta na gradskom građevinskom zemljištu.



